

中國方志叢書·華南地方·第二八四號


據

民國·周恭壽修，趙增纂
民國二十五年刊本

影印

貴州省

續遵義府志



成文出版社有限公司印行



10103045

中國方志叢書·華南地方·第二八四號

據


民國·周恭壽修，趙塏纂
民國二十五年刊本

影印

貴州省

續遵義府志

成文出版社有限公司印行



10103046

續遵義府志卷之五上

山川

遵義溪山清越見之宋紀然又以跬步皆山譏於疆吏要之耳習目謀未有厭厭生長者矣自狼戾既證延鑿定流古今之巖壑不增損於前志是山水一門可無贅綴所惜者奇峰奧竇有一足名中州卒以邊遠遺疆鬱益益而自默使長流仙吏返權巫陽易播文宗徒矜柳渴是亦山靈之不幸者矣茲駁陟在嶽砮揭言逝輒有所會審有遺於前志者得案體擬拾焉

遵義縣

婁山 在治北一百里前志稱古之不狼山也山勢
綿緼橫蹲遵正桐綏數百里之間南北所極瀼蕩駘
延巍然中祖猶北之太行南之庾嶺也又為溫黠樂
溱焚黠諸流發源之祖也水固東西分流而山之
盤踞則大小婁山祖師觀桐綏之分水嶺皆婁山也
附播雅在郡治北一百里一名大婁山為自郡入
重慶第一險要明史所謂萬峰挿天中通一線劉
綏從間道攀藤毀柵入陷焉者也前漢地理志豎
縣下云不狼山豎水所出按豎即今遵義地豎水

即今正安之三江源出桐梓綏陽兩縣間流經正
安入四川彭水縣界至江口鎮入烏江者婁山東
行至綏陽為朗山三江源非一渠皆即朗山東麓
婁狼雙聲狼朗一聲後世語有轉變不字止是發
語詞稱名可畧則婁山為漢志不狼無疑矣

莫徵君狼山下有懷故山不狼二首我從鼈水頭
來泛揚子尾首尾有狼山阻絕一萬里鼈山俯眾
岫連波蕩倣詭茲山壓濤瀾隱若重岡此信足對
雄長循名良有以何曾巴陵山不攬具區美軍興
逾十年流血徧南紀茲山為北障毛盜遏狂視縱

橫裏下河生遂到螻蟻祇今除巨憝餘枿未全弭
重鎮本不輕成功慎驕弛營山西南維挫賊不知
繼頗聞堅城堅百搗勢益歸又聞耕鑿輩科急半
死徙漸虛儲胥助有險亦何恃長江亘天塹人力
特其猗愁思繞萬山安能挽江水 又一勺狼山
水相隨萬里行直趨揚子口復訝此山橫煙雨連
鄉夢風波攬客情茫茫江路客何事更東征

大龍山

前志郡之主山也山前出作玉屏

前志曰
錦屏

為府治所據山之祖峯曰碧雲康熙時重作亭茲山
亦曰碧雲亭邑主事李先立曾有記慶碧雲之得與

王會入主府盟蓋以時際清明而山體宸靈獨曜環
峙無匹近攝州縣孕毓雄俊澹帶湘延遠泄涪津匪
僅俯臨萬家涵蓋目前而已咸同亂作茲山遂得臨
兵事然端穆之氣翼護城郭恬無傾覆碧雲又曰芙
蓉宋設縣治因之水亦曰芙蓉江惟嫌與三江名混
亦常謝而不名山峰仍著本稱云

附莫徵君九月攜合弟兒子登碧雲峯鼇峰曉峰
門人張之藩王棫蔡釗趙廷瑩皆至一首孤雲兩
角扶秋空絕境祇隔城西墉年年選勝作重九十
不一遂縈我胸去年此日愈難說全家散寄如旋

蓬黃花白酒那復問編茅徹土愁恩恩豈知名山
竟落手也有今歲措吟筇千林乍霜紅不紅生色

巧藉晴霞烘婁山為返北歸轡朗水亦輟東還蹤

朗水于鼇峯婁山于曉峯並歸門生子弟各猛興
道所經二君夙擬歸去作重九

轉眼驀過南飛鴻白錦功成歷幾葉拓堡始換高

遙東潛溪集楊氏家傳載唐末楊端討播遷入白
錦軍高遙山則白錦舊堡去山不遠家傳又

載宋楊軫病舊堡隘西樂堡北穆家川山水之佳

徙治之是為湘江其所徙堡治即今府治舊堡北

徙則白錦正在府治南高遙山在府西南三十餘里

白錦當在高遙東矣輿地紀勝明統志川貴通志

載堡名同宋史錦作綿近未詳孰是惟並云千村

在府北三百里則當是府南三十里之偽

萬落繞荆帶人民城郭煙濛濛重關疊障更無數

四塞那用丸泥封山川有此亦意壯豈料自大還
多同吾儕墮地例飢走得過俯首勞魚蟲眼前形
勝莫長喟誰念李郭撫羣雄遙天盡處即瀛海崑
崙幸不三山通安得長竿釣南瀆頑鯨鱣佐頗黎
鍾邵亭詩鈔鄭徵君越日龍山觀破北郭外暨城後
諸罔賊好作良民豈不聞忍教頑血卧苔斑耐生
枉矢貪狼下來死蓑衣猛虎間飛礮渡江王斷足
前禽梓首衆投山紛紛奪攘嗟何得纔信天公本

好還巢經巢通詩

小龍山

在治北山下為鯉魚田前志為鳳皇山石壘

連峯張天迤麓下峙尾繞湘流若與大龍相接山上
下無喬木惟衆卉蔥蒨累累萬冢以附郭近向爲漏
澤之所便城人春秋寔事也山有寺左有平邱可
據以觀環城之勝

附莫徵君登小龍山得左邱記遊境之佳者有二
白蘊曰借蘊者遁隱林壑峭折鬱邃使人眩愕錯
迕而茫其所往借者憑雄踞高四洞八開使人曠
心適神而莫知其所以終遵義近郭可遊者若桃
源湘山迴龍十數皆蘊勝借者無聞焉三月壬辰
過小龍山因及登其左邱而始得之呼尊命儕集

踞環峙轟者逸者壁者穴者叢者緡者帶者疊者
噴者淳者逞妍貢奇歛忽奔湊雜花連天佳禽飛四
雕甍繡闥錯落煙杪偃仰嘯歌與大化俱澹焉忘
日之將夕視桃源湘水諸佳遊未有樂於茲邱也
夫獨行之士不顧乎其外其所就以視人亦如其
量而止休休有容之君子嚮嚮未有能無非取於
人者而其所就以視人浩乎其無倪淵乎其不可
窮境之蘊之借猶是已雖然斯邱之棄北郭外不
知其幾何年塊焉寂焉匿其所以勝以與夫樵夫
牧豎者遊息而今乃以牽連出之且將駕乎習貴

者之上得毋有駭而卻走者乎是固聽之矣噫世
之遇合遲速又豈獨斯邱哉故歸而記之是歲道
光二十一年 莫庭芝九日偕諸子弟遊小龍山
一首迤邐上高嶺曠然開遠眸惜哉好山水多被
閹黎收老禿出迎客山犬隨呦呦秋色延入戶庭
院饒深幽還願二三子吾追將焉求即景良已多

聊與發清謳

青田
山草

桃源山 在新城內遵義郡城之名勝也舊志謂喬
柯離立蔚然蒼潤石囊幽通高廣丈許深數十武斯
天成絕境亮哉為入黔第一之詭觀抑名郡自矜之

靈谷也。洞口石柱旁，唐高攀宇宙媧煉遺孽匪鑿匪基中，可坐卧。素帶高張，通明睨目石壁，仙韻若走龍蛇。後人置石碑，刻三丰像，仰之翛然。由洞中洩洩出北口山中，樓亭自嘉慶中知府趙遵律重修。有謫仙樓、問字軒、晚香閣、待月山房、竹舫、旋圮。通志：桃源洞，會仙亭。元大德二年建，明永樂四年重修，又名美哉亭。武風張澍謂：遵義桃源洞，懷白亭。明大學士王應熊所建，而後此常踵成之者曰：太白聽鶯處。乃督學使顧晴芬所命名也。道光時，遵義典史陳丙復勾聚衆工於樓之左右，循山麓構軒亭十餘處，丹嶂碧陰。

重閣飛樓掩映於雜花深樹中頗具勝概咸豐甲寅
楊逆之亂此間亭樹遂并迴龍之古樹焚麗雷台之
百年牡丹同歸漸盡此後屢經興構規復雖屢屢常
懼而亭宇弗備光緒中郡人初更舊制於洞外窪坦
處濬方池承雷為源以儲蓄之假山礧礧壘疊中峙
廊周四宇架橋飛檻以通屨響建楹向山作正宇榜
前守昆明倪應復所書懷李望柳之堂橫署楫額後
楹負突厦連檻虛楹窗既麗屢以瞰兩城湘流中劃
複欄鱗瓦素塋雕牆畢入遊資誼然洞中所見雞犬
竹樹殆不及斯之盛也又於山窪石壁闢小徑緣巖

顏作聽鶯亭右折為會仙亭又為純陽閣而謫仙遂
無專祀之所置碑亭於山壁嵌諸古刻已屬零落無
多可摩挲者最上為觀音堂乃釋者所自創曩時竹
舫右佛寺鐘唄震巖之聲已移山半而古藤木樺及
太白聽鶯處皆不到目前尋古者為之黯然而山花
野卉悉屬肆生遊觀之興遂漸移雙泉之上劍山之
麓矣

附鄭徵君偕蕭吉堂遊桃源山山經甲寅兵燹亭
觀蕩然無遺歸與張曉皋同守夜話作歌 蒼苔
細徑無人行雨翁洞口如鶴清樹陰萍合白日靜

怪鳥蒼巖時一鳴仙人騎白龍上雲吹玉笙似聞
呼我我嬾應恍若隔世思前生此炬當年竊而曲
萬木沈沈壓山綠石上常思終日坐松根大好判
年宿將軍祠像山之要將軍瞋視龍巖高玉貌金
鑿颯森動左手叉膝右拄刀謂劉大刀謫仙樓出最高
頂萬里天風生暮濤樓邊百花林林影蔭石橋橋
下一窪水六月寒於冰雪膏兒時記捉金鯽魚攪
亂蘋藻包以蕉時時摘花惹僧罵官長每以神童
驕何年一炬盡焦土荆棘鈎衣長木秦舊跡低回
待細量後生甯復知其處摩挲題石更悽然回首

游前廿四年當時家國兩清宴朋友

相看無戚戚

歌同醉山水窟餘情得訂丰與顛

余道光己亥夏題名洞口時與

五人同遊審定洞中石刻是張顛仙書謂三牛者誤

一夢中間無不有痛死

憂生十居九黃鶴雙所海岳樓淒涼血盡啼鳥口

祇今與此同荒煙丙舍無歸餘白首羣盜如毛未

息人生憂患豈無極試上城尖向南望戰鼓震破

千山碧傷今感昔淚沾巾還與張侯談夜分白水

青山聞子語賊平先廟聶將軍

自注中澤官聶文啟於此為馬寶所

害向無知者余撰府志時乃訪詳之

馮子玉桃源洞一首不記仙

源路荒涼一洞橫滿山多瓦礫無地不榛荆憶昔